

ISSN: 2181-9416



# ЮРИСТ АХБОРОТНОМАСИ

ВЕСТНИК ЮРИСТА \* LAWYER HERALD

ҲУҚУҚИЙ, ИЖТИМОИЙ, ИЛМИЙ-АМАЛИЙ ЖУРНАЛ



CYBERLENINKA

НАУЧНАЯ ЭЛЕКТРОННАЯ  
БИБЛИОТЕКА  
LIBRARY.RU

ISSN 2181-9416  
Doi Journal 10.26739/2181-9416

# ЮРИСТ АХБОРОТНОМАСИ

2 СОН, 3 ЖИЛД

## ВЕСТНИК ЮРИСТА

НОМЕР 2, ВЫПУСК 3

## LAWYER HERALD

VOLUME 2, ISSUE 3



TOSHKENT-2023

## МУНДАРИЖА

### ДАВЛАТ ВА ҲУҚУҚ НАЗАРИЯСИ ВА ТАРИХИ. ҲУҚУҚИЙ ТАЪЛИМОТЛАР ТАРИХИ

1. АХМЕДШАЕВА Мавлюда Ахатовна  
ЎЗБЕКИСТОН ҲУҚУҚ ТИЗИМИДА ҚОНУН ВА КОДЕКСНИНГ ЎЗАРО НИСБАТИ.....8
2. ХУЖАНАЗАРОВ Азизжон Анварович  
ТЎҒРИДАН-ТЎҒРИ ТАЪСИР ҚИЛУВЧИ ҚОНУНЛАР:  
ТАҲЛИЛ ВА ТАКЛИФ ..... 14

### КОНСТИТУЦИЯВИЙ ҲУҚУҚ, МАЪМУРИЙ ҲУҚУҚ, МОЛИЯ ВА БОЖХОНА ҲУҚУҚИ

3. АБДУЛЛАЕВА Мафтуна Мурот қизи  
ЎЗБЕКИСТОНДА КОНСТИТУЦИЯВИЙ ШИКОЯТНИ  
АМАЛГА ОШИРИШНИНГ МУАММОЛАРИ ..... 19
4. НАРИМАНОВ Бекзод Абдувалиевич  
ЎЗБЕКИСТОНДА НОДАВЛАТ НОТИЖОРАТ ТАШКИЛОТЛАРИНИ ҚЎЛЛАБ-  
ҚУВВАТЛАШНИНГ АЙРИМ ҲУҚУҚИЙ МАСАЛАЛАРИ: ЎЗБЕКИСТОН НОДАВЛАТ  
НОТИЖОРАТ ТАШКИЛОТЛАРИ МИЛЛИЙ АССОЦИАЦИЯСИ МИСОЛИДА.....24
5. РАХМОНОВ Зафаржон Зайниддинович  
ЎЗБЕКИСТОН РЕСПУБЛИКАСИДА ДАВЛАТ ФУҚАРОЛИК ХИЗМАТИ СОҲАСИДА  
ДАВЛАТ БОШҚАРУВИНИНГ ЎРНИ..... 32

### ФУҚАРОЛИК ҲУҚУҚИ. ТАДБИРКОРЛИК ҲУҚУҚИ. ОИЛА ҲУҚУҚИ. ХАЛҚАРО ХУСУСИЙ ҲУҚУҚ

6. БАБАКУЛОВ Зафар Курбанназарович  
ТОВАР БЕЛГИСИНИНГ ТРАНСЧЕГАРАВИЙ САВДО МУОМАЛАСИДАГИ  
ФУҚАРОЛИК-ҲУҚУҚИЙ МАҚОМИ МАСАЛАЛАРИ ..... 41
7. ПЎЛАТОВ Алишер Рамазанович  
КРИПТОВАЛЮТАНИ ВУЖУДГА КЕЛИШИ ВА УНИ МУОМАЛАСИНИ ТАРТИБГА СОЛИШ  
БЎЙИЧА АСОСИЙ ЁНДАШУВЛАР ..... 49
8. НАСУЛЛАЕВ Мубин Нутфуллаевич  
ТЎЛОВГА ҚОБИЛИЯТСИЗЛИК МУНОСАБАТЛАРИНИ ТАРТИБГА СОЛИШНИНГ  
АЙРИМ МАСАЛАЛАРИ .....57

### СУД ҲОКИМИЯТИ. ПРОКУРОР НАЗОРАТИ. ҲУҚУҚНИ МУҲОФАЗА ҚИЛИШ ФАОЛИЯТИНИ ТАШКИЛ ЭТИШ

9. УРОЗБАЕВ Сардорбек  
ПРОКУРАТУРА ОРГАНЛАРИДА ХИЗМАТ ЎТАШНИНГ  
НАЗАРИЙ-ҲУҚУҚИЙ ЖИҲАТЛАРИ..... 65

### ЖИНОЯТ ҲУҚУҚИ, ҲУҚУҚБУЗАРЛИКЛАРНИНГ ОЛДИНИ ОЛИШ. КРИМИНОЛОГИЯ. ЖИНОЯТ-ИЖРОИЯ ҲУҚУҚИ

10. НОРМАНОВА Клара Эшназаровна  
ЭКСЦЕСС ИШТИРОКЧИЛИКНИ КВАЛИФИКАЦИЯ ҚИЛИШ ..... 72

## ЖИНОЯТ ПРОЦЕССИ. КРИМИНАЛИСТИКА, ТЕЗКОР-ҚИДИРУВ ҲУҚУҚ ВА СУД ЭКСПЕРТИЗАСИ

<b>11. БАБАБЕКОВ Нодир Джурабаевич</b> ТЕРГОВГА ҚАДАР ТЕКШИРУВ ЖАРАЁНИДА МАХСУС БИЛИМЛАРДАН ФЙДАЛАНИШ .....	80
<b>12. УМАРХОНОВ Азизхон Шарипхонович</b> ЖИНОЯТ ПРОЦЕССИ ИШТИРОКЧИЛАРИНИНГ ХАВФСИЗЛИГИНИ ТАЪМИНЛАШ ЧОРАЛАРИНИНГ ТАСНИФЛАНИШИ .....	87

### ХАЛҚАРО ҲУҚУҚ ВА ИНСОН ҲУҚУҚЛАРИ

<b>13. ГАФУРОВА Нозимахон Эльдаровна, ТОШМАТОВА Висолахон</b> РОЛЬ БИОЭТИЧЕСКОЙ НАУКИ В ЗАЩИТЕ ПРАВ ПАЦИЕНТОВ В ПЕРИОД ПАНДЕМИИ COVID-19 .....	96
<b>14. ХАМДАМОВА Фируза Уразалиевна</b> ГОСУДАРСТВО КАК СУБЪЕКТ МЕЖДУНАРОДНОГО ПРАВА В УСЛОВИЯХ ГЛОБАЛЬНОЙ ЦИФРОВОЙ ТРАНСФОРМАЦИИ.....	104
<b>15. РАХМОНОВА Сабрина</b> НОРМАТИВНО-ПРАВОВОЕ РЕГУЛИРОВАНИЕ ПРЕДОТВРАЩЕНИЯ ДИСКРИМИНАЦИИ ПО ПРИЗНАКУ ПОЛА КАК ОСНОВА ОБЕСПЕЧЕНИЯ РАВНЫЕ ПРАВА И ВОЗМОЖНОСТИ ПРИ РЕГУЛИРОВАНИИ ТРУДОВЫХ ОТНОШЕНИЙ .....	110

### ҲУҚУҚИЙ АМАЛИЁТ ВА ХОРИЖИЙ ТАЖРИБА

<b>16. ШАКУРОВ Рафик Равильевич</b> ПЕДАГОГИКА ТУШУНЧАСИ ВА УНИНГ ҲУҚУҚИЙ ТАЪМИНЛАНИШИ.....	115
--	-----

# ЮРИСТ АХБОРОТНОМАСИ ВЕСТНИК ЮРИСТА LAWYER HERALD

ПЎЛАТОВ Алишер Рамазанович

Тошкент давлат юридик университети мустақил тадқиқотчиси

E-mail: [alisherbek23@gmail.com](mailto:alisherbek23@gmail.com)

## КРИПТОВАЛЮТАНИ ВУЖУДГА КЕЛИШИ ВА УНИ МУОМАЛАСИНИ ТАРТИБГА СОЛИШ БЎЙИЧА АСОСИЙ ЁНДАШУВЛАР

**For citation (иқтибос келтириш учун, для цитирования):** ПЎЛАТОВ А.Р. Криптовалютани вужудга келиши ва уни муомаласини тартибга солиш бўйича асосий ёндашувлар // Юрист ахборотномаси – Вестник юриста – Lawyer herald. № 2 (2023) Б. 49-56.

 2 (2023) DOI <http://dx.doi.org/10.26739/2181-9416-2023-2-7>

### АННОТАЦИЯ

Мазкур мақолада инсоният эволюцияни янги босқичини бошлаб берган рақамли муносабатларни марказида криптовалюта ва уни афзалликлари кўрсатиб берилган. Криптовалюта тўловларининг жозибадор хусусияти шундаки, субъектлар ўртасидаги операциялар тўғридан-тўғри, воситачилар иштирокисиз, молия институтларини жалб қилмасдан амалга оширилади. Мазкур мақолада муаллиф ушбу хусусиятларни ҳисобга олган ҳолда, криптовалютанинг дунёда тартибга солиш ва тушуниш бўйича ёндашувлар кўриб чиқилди. Маълум бўлдики, криптовалюта нафақат бизнес учун афзалликларни келтириб чиқарди, балки ҳукуматлар ва ҳатто фойдаланувчилар учун ҳам бир қатор янги хавфларни келтириб чиқариши баҳоланди. Улар қаторида киберхавфсизлик, солиқ тўлашдан бўйин товлаш, ноқонуний фаолиятни рағбатлантириш ва терроризмни молиявий қўллаб-қувватлаш ва бошқаларнинг таъсири баҳоланди. Ушбу мақолада муаллиф томонидан миллий ва халқаро тажриба асосида Ўзбекистон қонунчилигида рақамли валютани ҳуқуқий мақомини аниқлашга қаратилган таҳлиллар ўтказилиб, миллий қонунчиликни такомиллаштиришга қаратилган таклифлар илгари сурилган. Ушбу мақолани тайёрлашда Мари Кюри тадқиқоти ва инновацион кадрлар алмашинуви грант дастури (Марказий Осиё қонуни, № 870647) томонидан қўллаб-қувватланган.

**Калит сўзлар:** рақали актив, криптовалюта, криптоактив, блокчейн, виртуал валюта, токен.

ПУЛАТОВ Алишер Рамазанович

Независимый соискатель Ташкентского государственного  
юридического университета

E-mail: [alisherbek23@gmail.com](mailto:alisherbek23@gmail.com)

## ОСНОВНЫЕ ПОДХОДЫ К СОЗДАНИЮ И УРЕГУЛИРОВАНИЮ КРИПТОВАЛЮТЫ

## АННОТАЦИЯ

В статье рассмотрена криптовалюта и ее преимущества в центре цифровых отношений, положивших начало новому этапу эволюции человечества. Привлекательной особенностью криптовалютных платежей является то, что сделки между субъектами осуществляются напрямую, без участия посредников и без привлечения финансовых институтов. В статье автор приводит подходы к регулированию и пониманию криптовалюты в мире с учетом указанных особенностей. Оказывается, криптовалюта не только принесла преимущества бизнесу, но и, по оценкам, несет ряд новых рисков для правительств и даже самих пользователей. Среди них оценивалось влияние кибербезопасности, уклонение от уплаты налогов, пропаганды незаконной деятельности и финансовой поддержки терроризма и т.д. В статье на основе отечественного и международного опыта автор проводит анализ, направленный на определение правового статуса цифровой валюты в законодательстве Узбекистана, и выдвигает предложения, направленные на совершенствование национального законодательства. Это исследование в рамках данной статьи было поддержано схемой обмена исследовательским и инновационным персоналом Марии Кюри в рамках программы H2020 (аббревиатура гранта: Закон Центральной Азии, № 870647).

**Ключевые слова:** цифровой актив, криптовалюта, криптоактив, блокчейн, виртуальная валюта, токен.

**PULATOV Alisher**

Independent researcher at Tashkent State University of Law

E-mail: [alisherbek23@gmail.com](mailto:alisherbek23@gmail.com)

## BASIC APPROACHES TO CREATION AND REGULATION OF CRYPTOCURRENCY

### ANNOTATION

This article shows the cryptocurrency and its advantages in the center of digital relations, which has started a new stage of human evolution. An attractive feature of cryptocurrency payments is that transactions between entities are carried out directly, without the participation of intermediaries, without the involvement of financial institutions. In this article, the author considered approaches to the regulation and understanding of cryptocurrency in the world, taking into account these features. It turns out that cryptocurrency has not only brought advantages to businesses, but has also been assessed to bring a number of new risks to governments and even users. Among them, the impact of cyber security, tax evasion, promotion of illegal activities and financial support of terrorism, etc. was assessed. In this article, on the basis of national and international experience, the author conducted analyzes aimed at determining the legal status of digital currency in the legislation of Uzbekistan, and put forward proposals aimed at improving the national legislation. This research was supported by a Marie Curie Research and Innovation Staff Exchange scheme within the H2020 Program (grant acronym: Central Asian Law, no 870647).

**Keywords:** digital asset, cryptocurrency, cryptoasset, blockchain, virtual currency, token.

Сўнгги йилларда дунёда криптовалюта бозорининг жадал ўсиши кузатилмоқда. 2022 йил декабрь ойида криптовалюта бозорининг умумий капиталлашуви 2,3 триллион АҚШ долларга етди, бу эса глобал молиявий активларнинг тахминан 1 фоизини ташкил этади. Рақамли активлар бўйича операциялар ҳажмининг ўсиши, шунингдек, улардан фойдаланиш билан боғлиқ хавфларнинг ортиб бориши сабабли, ушбу турдаги пуллар давлат назорат органлари ва халқаро ташкилотларда тобора кўпроқ ташвиш ва муайян хавотирларни келтириб чиқармоқда [1, Б.416-421].



Жамиятнинг барча соҳаларини ахборотлаштирилди ва рақамли иқтисодиётни барпо этиш мавжуд тўлов воситаларига бевосита таъсир кўрсатилди, бунинг натижасида эса дунё “электрон пуллар” даврига кирди. Қоғоз пуллар тез суръатлар билан тўлов карталари, электрон пуллар билан алмаштирилмоқда.

Оддий тўлов тизимлари аста-секин PayPal, WebMoney, Yandex каби тизимлар билан алмаштирилмоқда. Пулдан фойдаланишда эса, бошқа электрон пул турларидан фарқ қилувчи янги тўлов воситаси сифатида криптовалютадан фойдаланишда фаол ўсиш кузатилмоқда. Бугунги кунда бутун дунё бўйлаб кўплаб одамлар криптовалюталардан фойдаланмоқдалар ва ҳозирда Ўзбекистон Республикасида крипто биржа фаолият кўрсатмоқда.

Биткоиннинг яратилиш тарихи, бошқа барча криптовалюталарнинг пайдо бўлиши каби, пул операцияларини шифрлаш ва кодлаш соҳасидаги бир қатор халқаро тадқиқотларга туртки бўлди. Хусусан, 1982 йилда Devid Chaum Халқаро криптографик тадқиқотлар ассоциациясини (IACR) ташкил этди. 1983 йилда у тўловларнинг анонимлиги, уларнинг шаффофлиги, шунингдек, пул операцияларининг хавфсизлиги муаммолари тўғрисида тадқиқот ишларини бошлаган. Шунда илм-фанда янги “рақамли олтин” ғояси туғилди [2, Б.36-40], десак хато бўлмайди.

Биткоин, R. Greenberg таърифлаганидек, ҳукумат ёки бирон бир юридик шахс томонидан қўллаб-қувватланмайдиган, тенгма-тенг тармоқлар ва криптографияга асосланган, олтин ёки биржа товарларига айирбошланмайдиган, рақамли, марказлашмаган, қисман аноним валютадир [3, Б.159].

2008 йилда Сатоши Накамото (Satoshi Nakamoto) биткоин (BTC) деб номланган тўлиқ марказлаштирилмаган ва аноним криптовалюта яратади [4]. Худди шу 2008 йилда bitcoin.org домени рўйхатдан ўтказилди ва янги криптовалюта ишга тушириш ҳақидаги расмий пресс-релизлар эълон қилинди [5, Б.212-215]. Мазкур давлат назоратидан қоча оладиган ўзига хос блокчейн тизими рақамли иқтисодиётдаги фрилансерлар орасида катта муваффақияти билан машҳур бўла бошлади.

Ўшандан бери бу технология ривожланмоқда ва ҳозирда Ethereum, Ripple, EOS ёки Litecoin каби крипто пулларнинг янги турларига, шунингдек жамиятнинг турли соҳаларида қўлланилмоқда [6, Б.193–210]. Бундан ташқари, блокчейн технологиясининг ривожланиши ва криптовалюталар ва виртуал пулларнинг кенг таклифини молия бозорларига киритиш neo-bankлар, Challenger Bankлар, BaaS ёки Fintech, Revolut, N26, Monzo, PayPal Commerce Platform ёки TransferWise ва бошқаларни яратиш, кенгайтириш ва халқаролаштиришга олиб келди [7, Б.262].

S. Jafari тўғри қайд этганидек, криптовалюта феномени, биринчи жорий этилганидан бери, яқинда эътиборни тортди, аммо турли жиҳатлар ва соҳаларга катта таъсир кўрсатди. Қонун нафақат хавфнинг олдини олиши, балки ушбу ажойиб технологияни яхшироқ келажак яратиш учун кучли восита сифатида қабул қилиш учун қандай ривожланишини белгилаши зарур [8, Б.172].

Биткоин жорий этилгандан бери ўнлаб бошқа криптовалюталар пайдо бўлди. Кўпчилик биринчи тўлиқ амалга оширилган криптовалюта протоколини ифодаловчи Биткоин каби ўхшаш спецификацияларга асосланган. Иккинчи энг машҳур криптовалюта Litecoin иш исботи сифатида scrupт алгоритмидан фойдаланади ва транзакцияларни тезроқ тасдиқлайди (2,5 дақиқа) [9].

Криптовалютанинг таърифи бўйича турли позициялар ва талқинлардан келиб чиққан ҳолда, биз криптовалюта таърифига бир нечта асосий ёндашувларни ажратиш кўрсатишимиз мумкин.

**Биринчи ёндашув.** Криптовалюта фиат пулга ўхшаш валюта ролини ўйнаши мумкин, чунки ҳозирги вақтда криптовалюта, масалан, биткойн билан сиз ҳар қандай маҳсулот учун тўлашингиз мумкин.

**Иккинчи ёндашув.** Криптовалюта векселлар, чеклар ва бошқа молиявий воситалар каби пул суррогатлари сифатида ҳам ҳаракат қилиши мумкин.

**Учинчи ёндашув.** Криптовалютанинг авлоди тармоқда содир бўлишини ҳисобга

олсак, криптовалюта ўз қийматига эга бўлган товар, мулк ёки турли хил активлар сифатида ҳам ҳаракат қилиши мумкин.

**Тўртинчи ёндашув**, криптовалюта ҳисоб бирлиги сифатида олиш мумкин, бу маълумотлар базасида ёзувдир.

**Олтинчи ёндашув**, тўлов воситаси билан бирга криптовалюта жамғариш ва тўплаш воситаси сифатида ҳам хизмат қилиши мумкин.

Криптовалютани яратилишида блокчейнни роли жуда муҳимдир. Блокчейн (блоклар занжири) – турли активларни ишончли ҳисобга олиш, жумладан, сақлаш, алоқа ва архивлаш функциялари учун мўлжалланган кўп даражали ва кўп функцияли ахборот технологиясидир [10, Б.72-75].

Криптовалюталарга келсак, блокчейн тақсимланган дафтар вазифасини бажаради, унда тасдиқланган транзакциялар блокларда сақланади ва блокларнинг ўзлари битта занжир билан ўзаро боғланади, шу билан бирга транзакциялар ҳақидаги барча маълумотлар мураккаб ҳисоб-китоблар орқали ноёб хешкод шаклига эга бўлади. Технологиянинг ўзига хослиги ҳар бир кейинги транзакциялар блоки дастлабки транзакциянинг «хеш»ини ўз ичига олишини назарда тутди. Бу калитларни танлаш қийинлигини сезиларли даражада оширади ва занжирни ҳакерликдан ишончли ҳимоя қилади.

Молиявий тизимда криптовалюта пайдо бўлганидан бери **уни солиққатортиш** бўйича саволлар туғила бошлади. Аслида, криптовалюта аллақачон жаҳон иқтисодиётининг молиявий воситаларидан бири бўлиб, у билан тузилган битимлар ҳам тегишли солиққа тортилиши керак. Кўпгина мамлакатларда криптовалюта солиққа тортиш сиёсати жуда хилма-хилдир ва уларнинг маъмурий усуллари концептуал жиҳатдан бир-бирдан фарқ қилади.

Ушбу масалада хорижий амалиётда энг кенг тарқалган қўйидаги ёндашувларни ажратиб кўрсатишимиз мумкин. **Биринчи ёндашув** криптовалютанинг дастлабки чиқарилишидан, унинг амалга оширилишидан қатъи назар, даромадларни солиққа тортишни ўз ичига олади. Солиққа тортишнинг бу усули Испания ва Францияда қўлланилади [11, Б.38-41].

Шуни таъкидлаш керакки, ушбу мамлакатлар томонидан солиққа тортишнинг ушбу усули криптовалюталар билан фирибгарлик операцияларининг олдини олиш мақсадида қабул қилинган ва тескари таъсир кўрсатиши мумкин, чунки криптовалюта операциялари иштирокчилари ушбу юрисдикциялардан қочишади ва шунга мос равишда солиқ тушумлари камаяди.

**Иккинчи ёндашув** капитал даромадларини солиққа тортишдир, бунда солиқ базаси сотиб олинган ва сотилган активнинг нархи ўртасидаги ижобий фарқ ҳисобланади. Солиқ маъмуриятчилигининг бу усули энг оммабоп бўлиб, у кўплаб мамлакатларда, масалан, АҚШда [12, Б.18], Германия, Бразилия ва бошқаларда қўлланилади [13, Б.11-17]. Бу солиққа тортиш усули янада адолатли деб ҳисоблаш мумкин, чунки у анъанавий солиқ маъмуриятчилигига ўхшайди.

Криптовалюта ва у билан операцияларни солиққа тортишни бутунлай истисно қиладиган **учинчи ёндашув** ҳам мавжуд, бу «солиқ жаннати» деб аталади. Шундай қилиб, масалан, Данияда криптовалюта қонуний тўлов воситаси эмаслиги сабабли, унга солиқ қонунларини қўллаш мумкин эмас ва криптовалюта операцияларидан солиқ ундирилмайди [14, Б.20-29].

2015 йилда Европа Иттифоқи суди криптовалюталарни (ушбу ишда биткоин кўриб чиқилган) валюталарнинг айланишини тартибга солувчи нормаларга мувофиқ солиққа тортишдан озод қиладиган қарор чиқарди. Шундай қилиб, суд криптовалютанинг ҳолатини мол-мулк эмас, балки валюта деб топди, яъни у солиққа тортилмайдиган бўлди [15].

Ўзбекистонга келсак, мамлакатимизда криптовалюта муомаласи тўлиқ давлат назоратига асосланган. Ўзбекистон Марказий банкининг расмий позицияси ҳозиргача консерватив бўлиб қолмоқда ва мамлакатда фақат битта қонуний валюта – сўм



мавжудлиги ва шунинг учун криптовалютадан тўлов воситаси сифатида фойдаланиш мумкин эмаслигидан иборат. Шу сабабдан Ўзбекистон фуқаролари хорижий сайтларда криптовалюта mining фаолиятини амалга оширишга мажбур.

Ўзбекистон Республикаси “Валютани тартибга солиш тўғрисида”ги Қонунинг 4-моддасида “валюта қимматликлари — чет эл валютаси, номинали чет эл валютасида ифодаланган қимматли қоғозлар ва тўлов ҳужжатлари, норезидентлар томонидан чиқарилган, номиналга эга бўлмаган қимматли қоғозлар, соф кўйма олтин” деб таъриф берилган [16].

Қонунда белгиланган таърифга асосланиб, қайд этиш зарурки Ўзбекистон қонунчилиги “валюта нима” деган тушунчага аниқ таъриф беради. Қонунга кўра, тўлов воситаси сифатида рақамли технологияларнинг мавжудлиги имконсиз ва қонун криптовалюта валюта сифатида эътироф этишни рад этади. Аммо шунга қарамай, “бугунги кунда фойдаланувчилар криптовалютадан тўлов воситаси сифатида фаол фойдаланадилар ва уни товарлар ёки хизматларга алмаштирадилар” [17, Б.149-152].

Биткойн ривожланишининг юқори даражаси шуни кўрсатадики, агар кўплаб молиявий ташкилотлар, шу жумладан марказий банклар турли мамлакатлар ҳукумати билан биргаликда ҳамфикр бўлишса, халқаро рақамли валюта мақомини олиши қийин бўлмайди. Бундай ҳолатда, мамлакатлар биткойнни халқаро рақамли валюта сифатида тан олишга мажбур бўладилар.

Шубиланбирга, криптовалюталар билан инвестиция операцияларини амалга ошириш миллий қонунчилик билан тақиқланмаганлигини таъкидлаш лозим. Мамлакатимизнинг исталган фуқароси инвестиция даромадини олиш учун криптовалюта криптовалюта биржасида ёки бевосита криптовалюта эгаларидан сотиб олиши мумкин. Асосий шарт ушбу жараёнларни миллий криптобиржада ушбу фаолият амалга оширилиши зарур.

Ушбу ҳолатлар, криптовалюта универсал молиявий восита эканлиги ҳақида хулоса қилиш имконини беради, чунки у турли имкониятлар ва соҳаларда ҳаракат қилиши мумкин ва бу рўйхатни технология ривожланиши билан давом эттириш мумкин.

Криптовалютани олишнинг **учта асосий қонуний усули** мавжуд.

**Биринчи**, берилган алгоритм бўйича ҳисоб-китобларни амалга ошириш учун мўлжалланган компьютер фермалари ёрдамида mining қилишни амалга ошириш. (Шу билан бирга, биткойн бўлса, майнерлар ҳар бир mining қилинган блок учун 6,25 биткойн миқдорида мукофот оладилар, мукофот миқдори ҳар 4 йилда ўзгаради) [18].

**Иккинчи**, mining операциялари учун кичик абонент тўловларида булутли mining хизматларига уланиш. Mining – бу компьютерлар ёрдамида математик ҳисоб-китобларни ечиш асосида криптовалюта олиш усулидир [19, Б.31-36].

**Учинчи**, жорий курс бўйича ёки тўғридан-тўғри дилерлардан харид қилиш.

Криптовалюталарнинг асосий афзалликлари уларни сохталаштиришнинг деярли имконсизлиги туфайли, юқори даражадаги ишончлилигидир. Бундан ташқари, криптовалюта чекланган эмиссия чегарасига эгалиги туфайли, дефляцион восита ва инфляция хавфидан ҳам ҳолидир.

Бундан ташқари, криптовалюта операцияларида пул ўтказмасини амалга оширишда комиссия йўқ ёки у жуда кичик, шунингдек, блокчейнда қайд этилган транзакциялар маълумотларининг хавфсизлиги ва ўзгармаслиги билан таъминланади, бу ҳам фойдаланувчилар учун жалб қилувчи хусусиятдир. Платформанинг марказлашмаганлиги, яъни аксарият ҳолларда унинг ижобий сифати деб тан олинишига қарамадан марказий тартибга солиш тизимининг йўқлиги ҳам жуда кўп тортишувларга сабаб бўлади.

Мавжуд афзалликлар билан бир қаторда, криптовалюта бир қатор камчиликларга эга. Жумладан:

**Биринчидан**, криптовалютанинг юқори ўзгарувчанлиги ва таъминланмаганлиги, уларнинг давлат органлари ва молия институтлари томонидан салбий қабул қилинишининг асосий сабаблари ҳисобланади.

**Иккинчидан**, криптовалюта молия тизимига татбиқ этишнинг асосий тўсиғи бу унинг эмиссиясини назорат қилишнинг имконсизлигидир. Давлат банклари

криптовалюта чиқариш ва муомалага киритиш бўйича операцияларни назорат қилиш имкониятига эга эмаслар ва шунинг учун ҳам бу омил давлат ва аҳолининг ушбу молиявий воситага маълум бир ишончсизлигини келтириб чиқаради.

**Учинчидан**, криптовалюта айланмасини норматив тартибга солишнинг ва криптовалюта калитлари йўқолган тақдирда жамғармаларни қайтариш кафолатларининг йўқлигини ҳам камчиликларга киритиш мумкин.

**Тўртинчидан**, криптовалюта фойдаланувчиларининг анонимлиги, ундан фойдаланиш билан боғлиқ фирибгарлик ҳаракатларининг кўпайиш хавфининг пайдо бўлиши нуқтаи назаридан жуда кўп танқидларга сабаб бўлади. Ва ниҳоят, криптовалюталар билан тўғри ишлаш учун нафақат молиявий соҳада билимга, балки замонавий рақамли технологик кўникмаларига ҳам эга бўлиш керак.

Қоида тариқасида, савдогарлар криптовалюта айланмаси атрофида содир бўлаётган барча янгиликларни жумладан, нуфузли мутахассисларнинг фикри ёки янги криптовалютани муомалага киритиш ёхуд баъзи мамлакатлардаги криптовалютани қонунийлаштириш бўладими кузатиб борадилар. Ушбу сигналларнинг барчасига криптовалюта бозори жуда тез жавоб беради. Албатта, ўзига хослигига қарамай, криптовалюта ҳам талаб ва таклифнинг машхур қонунига бўйсунди.

Бизнингча криптовалюта ривожланишини тўхтатувчи асосий омил – бу ўз мамлакатларининг пул-кредит сиёсати устидан назоратни йўқотишни истамайдиган давлат молиявий тартибга солувчиларининг позициясидир.

Криптовалюта ва унинг айланишини ҳуқуқий тартибга солишнинг хорижий тажрибаси шуни кўрсатадики, криптовалюта операцияларини ҳуқуқий тартибга солишнинг турли даражаларига қарамай, криптовалюта институти аста-секин жаҳон иқтисодиётида ўз ўрнини эгаллаб бормоқда, деган хулосага келишимиз мумкин.

Ҳозирги вақтда маҳаллий ва хорижий олимлар орасида криптовалюта тушунчасининг таърифи бўйича ягона позиция ҳали ҳам мавжуд эмас. Бу ҳақида дастлабки параграфда хулосалар қилдик. М.А.Егорова, Л. Г. Ефимова фикрича, “Криптовалютага одатда фуқаролик ҳуқуқлари объекти сифатида, рақамли валюта, рақамли мулк, товар, тўлов воситаси, баъзан эса мажбурият ҳуқуқи сифатида қаралади. Фақат электрон шаклда мавжуд бўлган валюта рақамли валюта деб аталади” [20, Б.11-16].

О. И.Ларина ва О.М. Акимов қайд этишларича, “Тўлов ва пул тизимларининг ўзгаришига ҳисса қўшадиган янги ҳодисани рақамли пул каби институтнинг шаклланиши деб аташ мумкин, бу кўпинча бошқача номланади: рақамли валюталар, тармоқ пуллари, криптовалюталар” [21, Б.19].

Биз ушбу фикрга қўшилмаймиз. Тушунчалардаги ноаниқликни бартараф қилиш мақсадида қуйидагиларни алоҳида кўрсатиб ўтишимиз зарур. Ҳуқуқий адабиётларда “рақамли валюта”, “виртуал валюта” ва “кириптовалюта” каби тушунчалар бор. Бизнингча уларни қуйидаги шаклда баҳолаш мақсадга мувофиқ саналади.

Рақамли валюталар тартибга солиш усулига кўра таснифланади ва “виртуал валюта” ва марказий банк томонидан тартибга солинадиган “валюта”га бўлинади. Рақамли валюта келажакда иқтисодий ривожланиш йўлларида бирига айланади. Бу вақт масаласидир. Виртуал валюта – бу марказий банк томонидан тартибга солинадиган рақамли пул, уни фақат ишлаб чиқувчининг ўзи назорат қилиши мумкин. Виртуал валютага электрон пул ҳам киради. Демак, рақамли валюта тушунчаси виртуал валюта тушунчасига қараганда кенгроқ тушунча бўлса, виртуалвалюта эса ўз ичига криптовалюта тушунчасини қамраб олади.

“Виртуал валюта” тушунчаси дунёнинг кўплаб мамлакатларида кенг тарқалган электрон пуллари, шунингдек криптовалюталарни ҳам ўз ичига олади. Бизнингча, криптовалюта рақамли валютанинг бир туридир. Бу айирбошлаш воситаси сифатида фойдаланиладиган активдир ва криптографияга асосланганлиги сабабли хавфсиз ҳисобланади.

Бир сўз билан айтганда, криптовалюталар – бу давлатга боғлиқ бўлмаган ва

анъанавий банк тизимини четлаб ўтиб ишлайдиган марказлаштирилмаган пуллардир. Криптовалюта рақамли валюталар тўплами, шунингдек, муқобил ва виртуал валюталар тўплами сифатида таснифланади.

Тадқиқотлар шуни кўрсатдики, криптовалюта ривожлантиришнинг муҳим омили бу криптовалюта айланмаси соҳасидаги қонунчиликнинг мавжудлиги ва унинг ҳуқуқий мақомидир. Криптовалютанинг ҳуқуқий мақоми тўғрисида қонуний қарор қабул қилган мамлакатларда бозор тезроқ ривожланмоқда.

Шу муносабат билан, “Ахборотлаштириш тўғрисида”ги Қонунга блокчейн тушунчасини тавсифловчи нормани киритиш ва уни кейинги таҳрирда баён қилиш таклиф этилади:

*“блокчейн — ўзаро боғланган маълумотлар блоклари занжири, яхлитликни тасдиқлаш алгоритмлари ва шифрлаш воситаларига асосланган марказлаштирилмаган маълумотлар платформасида ахборотнинг ўзгармаслигини таъминлайдиган ахборот-коммуникация технологияси”.*

Халқаро тажрибадан келиб чиққан ҳолда, Ўзбекистон Республикасининг **“Рақамли активлар тўғрисида”**ги Қонун лойиҳасини ишлаб чиқиш, крипто-биржалар криптовалютасининг ҳуқуқий мақомини қонунийлаштириш ва унга қўйидаги тушунчаларни киритиш таклиф қилинади:

*“Криптовалюта биржаси – бу криптовалюта сотиш, улар ўртасида савдо қилиш ва унинг сақланишини таъминлаш имконини берадиган электрон савдо платформаси”.*

*“Криптовалюта – бу Ўзбекистон Республикаси ёки хорижий давлатларнинг валютасида белгиланмаган, ахборот ва телекоммуникация технологияларидан фойдаланган ҳолда яратилган ва ҳисобга олинган мулк, ундан электрон пул ва қонуний тўлов воситалари билан боғлиқ бўлмаган номаълум доирадаги шахслар томонидан ҳеч қандай марказий ҳокимият назоратига бўйсунмайдиган криптографик марказлаштирилмаган реестр тизимида яратилган ва бошқариладиган конвертация қилинадиган виртуал валюта”.*

Криптовалюта тартибга солишни қонунчилик даражасида ўрнатиш орқали тадбиркорликка, давлатга ва жамиятга ижобий таъсир кўрсатади, деб дадил тахмин қилишимиз мумкин.

#### **Иқтибослар/Сноски/References:**

1. Жарина Н. А., Гайфутдинова Р. З., Кузнецова С. Б. Регулирование криптовалют в России: современное состояние и дальнейшие тенденции // Вестник Академии знаний. – 2022. – №. 1 (48).
2. Васильева Н. Ю. Необходимость правового регулирования криптовалют в России // Основные направления государственной политики России в сфере обеспечения национальной безопасности. – 2018.
3. Grinberg R. Bitcoin: An innovative alternative digital currency //Hastings Sci. & Tech. LJ. – 2012. – Т. 4.
4. S.A. Nakamoto, “Bitcoin: A Peer-to-Peer Electronic Cash System”. [online], 2009, Bitcoin.org, Available at: <https://bitcoin.org/bitcoin.pdf>
5. Perkins J., Enwezor J. The legal aspect of virtual currencies //Butterworths Journal of International Banking and Financial Law. – 2016.
6. Savelyev, A. Legal aspects of ownership in modified open source software and its impact on Russian software import substitution policy. *Comput. Law Secur. Rev.*2017, 33, 193–210.
7. Gai, K.; Qiu, M.; Sun, X. A survey on FinTech. *J. Netw. Comput. Appl.* 2018, 103.
8. Jafari S. et al. Cryptocurrency: A challenge to legal system //Reza, Cryptocurrency: A Challenge to Legal System (May 2, 2018). – 2018.
9. Miers, C. Garman, M. Green and A.D. Rubin, “ZeroCoin: Anonymous Distributed E-Cash from Bitcoin,” [online], The Johns Hopkins University Department of Computer Science, Available at: <http://spar.isi.jhu.edu/~mgreen/ZeroCoinOakland.pdf>.
10. Свон М. Блокчейн. Схема новой экономики. – Litres, 2019.

11. Пинская М.Р., Цаган-Манджиева К.Н. Налогообложение доходов от деятельности, связанной с криптовалютами // Экономика. Налоги. Право. – 2018. – Т. 11. – №. 2.
12. Серeda А.В. Правовое регулирование криптовалюты: анализ зарубежного опыта // Современный юрист. – 2017. – №. 1. (Sereda A.V. Pravovoe regulirovanie kriptovalyuty: analiz zarubejnogo opyta // Sovremennyy yurist. – 2017. – no. 1.)
13. Цаган-Манджиева К.Н. О подходах к налогообложению операций с криптовалютами // Налоги и налогообложение. – 2017. – № 11.
14. Кузнецов В. А., Якубов А. В. О подходах в международном регулировании криптовалют (Bitcoin) в отдельных иностранных юрисдикциях // Деньги и кредит. – 2016. – №. 3.
15. Обмен традиционных валют на виртуальную валюту «Биткойн» освобождается от НДС // Пресс-релиз Европейского суда № 128/15 от 22 октября 2015 -<https://curia.europa.eu/jcms/upload/docs/application/pdf/2015-10/cp150128en.pdf>.
16. Қонун ҳужжатлари маълумотлари миллий базаси, 23.10.2019 й., 03/19/573/3942-сон.
17. Могунова М. М., Шут О. А. Правовой статус криптовалюты в Казахстане // Вестник Северо-Казахстанского Университета им. М. Козыбаева. – 2021. – №. 4 (45).
18. Третий халвинг биткоина состоялся: мнения, оценки, прогнозы // [Электронный ресурс]. Режим доступа: <https://forklog.com/tretij-halving-bitkoina-sostoyalsya-mneniya-otsenki-prognozy/>.
19. Щербик Е.Е. Феномен криптовалют: опыт системного описания // Концепт. – 2017. – № S1.
20. Егорова М.А., Ефимова Л. Г. Понятие и особенности правового регулирования криптовалют // Предпринимательское право. 2019. №3.
21. Ларина О. И., Акимов О. М. Цифровые деньги на современном этапе: ключевые риски и направления развития // Финансы: теория и практика. 2020. №4.